


TEZĂUR LITURGIC
4 MARTIE

ACATISTUL
SF.CUVIOS
DANIEL
ALEXANDROVICI
DE LA
MOSCOVA



MOSCOVA, 2020



Акафист святому благоверному князю Даниилу Московскому, чудотворцу

Кондак 1

Богоизбранный воеводо от царствия земнаго, пришедый в нескончаемое Царствие Царя Христа, Ему же с небесными воинствы предстоиши блистая неувядаемою славою, приими молебное пение людей твоих, к теплomu твоему ходатайству и заступлению прибегающих, и пред честными твоими мощами умильно вопиющих: **Р**адуйся, княже Данииле, заступниче наш.

Икос 1

Ангел во плоти явился еси, благоверне княже Данииле. Всю бо отложше гордость житейскую, смиренномудрия рачитель был еси, и сподобивыйся зрети славу Единороднаго от Отца, молится Ему о чтущих с верою и любовию святую память твою. Сего ради зовем к тебе: **Р**адуйся, отрасль благочестиваго корене; радуйся, царей российских вечнующая похвало. **Р**адуйся, обличителю свар на праведных; радуйся, наказателю обидящих.

Радуйся, кормителю нищих;
радуйся, тихое пристанище неповинно гонимых.
Радуйся, защитниче обидимых;
радуйся, вдов и сирот заступление.
Радуйся, хранителю державы наследия твоего;
радуйся, ревнителю православия.
Радуйся, иноков наставниче;
радуйся, яко нищету духовную паче богатства
тленного возлюбил еси.
Радуйся, княже Данииле, заступниче наш.

Кондак 2

Видяще мощи твоя, богомудре княже Данииле,
нетлением прославленные, от нихже, яко от
источника воды живыя, вернии черпают
исцеление, благодарственно вопием к Богу,
дивному во святых Своих: **А**ллилуиа.

Икос 2

Разум в послушание веры пленивый, и мудрость
свыше нисходящую стяжавый, носило был еси
Пресвятой Троицы, Юже и ныне славословя
непрестанно, слышиши от всех:
Радуйся, мудрования земнаго тщету познавый;
радуйся, светом божественным душу твою
просветивый.
Радуйся, славу царственную иноческому
смотрению предпочивый;

радуйся, постом и воздержанием просиявый.
Радуйся, яко житием твоим благочестия образ
был еси;

радуйся, грады державы твоея устроиый.
Радуйся, крепкий столпе и ограждение;
радуйся, родителю твоему блаженному князю
Александру и сродником твоим, просиявшим
святостью, последовавый.

Радуйся, добродетелей их наследниче;
радуйся, имый попечение привести в
единовластие державу Русскую.

Радуйся, правителю мудрый и милостивый;
радуйся, и враждовавшим на тя добро с
любовию творивый.

Радуйся, княже Данииле, заступниче наш.

Кондак 3

Силою, данною ти свыше, препоясывайся,
непобедимый оружник был еси, блаженне княже
Данииле, множицею бо защищая достояние твое
от враг безбожных, разрушал еси
злохудожественные советы братии твоей, мир и
безмятежие им даруя, и научая пети с тобою
Богу: **Аллилуиа**.

Икос 3

Имея тя предстателем своим пред Богом,
великий град Москва и вся Российская держава

притекает к ходатайству и заступлению твоему.
Ты же, яко врач недугов душевных же и
телесных, милосердно подаешь благая
требующим помощи твоея, и всем вопиющим к
тебе:

Радуйся, скорое в скорбех услышание;
радуйся, падших воставляяй.

Радуйся, немудрых умудрителю;
радуйся, покрове в теснотах и обидах сущих.
Радуйся, помощи беспомощных;
радуйся, болящих целителю.

Радуйся, добрый кормчий плавающих в
треволнении житейском;
радуйся, сетующих утешение.

Радуйся, пастырю, призывающий овец
заблуждших к избранному стаду Христову;
радуйся, венченосце, диадему украсивый
одеянием иноческим.

Радуйся, доблесть царскую с кротостию инока
сочетавый;
радуйся, яко властитель и инок совершен был
еси.

Радуйся, княже Данииле, заступниче наш.

Кондак 4

Бурею страстей по бездне греховней гонимый,
но не утопая в ней, имый рачение для
благохваления Бога, дивно прославившагося в

тебе, блаженне княже Данииле, молюся ти:
просвети мысленные очеса и согрей сердце мое
теплотою любви Божественная, да, прославляя
священную память твою, возопию с тобою
сердцем и устами: Аллилуиа.

Икос 4

Слышавше князи российстии мудрое твое
прещение им возжигати огонь лютый
междоусобия первовластвования ради, и
подуцати дарами и клеветою друг на друга орду
злокозненную, да нечестивыми своими
воинства проливают неповинную кровь
христианскую, бояхся твоего правдолюбия, и с
покорностью отлагаху замыслы свои. Сего ради
земля российская, воспоминах твои
благodeяния, зовет сицевая:

Радуйся, мира и тишины рачителю;
радуйся, обуздателю властолюбия.

Радуйся, страже бодрый, не попускавый на
Церковь Христову и на род христианский врагов
безстудных;

радуйся, радуйся, яко многих спасл еси от
неправеднаго убиения.

Радуйся, подвижнице, полагаяй душу свою за
люди твоя;

радуйся, яко и братия твоя, внемлюще
благоразумному гласу твоему, прилепляхуся

душею к миролюбию.

Радуйся, сатанинския плевелы развевая;
 радуйся, семена небесной мудрости насаждая.
 Радуйся, владыко, по образу Христа послушания
 на ся приемый;
 радуйся, нивчтоже вменивый сокровища
 земная.

Радуйся, сокровище себе на небеси уготовавый;
 радуйся, в светлостех святых жизнь
 нескончаемую наследовавый.

Радуйся, княже Данииле, заступниче наш.

Кондак 5

Боготочная звезда на тверди Российской явился
 еси, богомудре княже Данииле, совершая бо в
 терпении и посты путь дольний, возводил еси на
 град твой в светлости горим, и, напаяемый
 божественною благовестию, просвещал еси
 житием твоим всех, ищущих пути спасения
 вопиющих к Богу: **А**ллилуиа.

Икос 5

Видевше лики ангельстии богоугодное житие
 твое, прославляху Бога, совершающего силу
 Свою в немощи естества человеческого, и
 ревностно сопровождаху тя в горняя по
 отшествию твоём от земли, идеже честное тело
 твое, яко сосуд избранный благодати

божественныя, изливает дары чудотворения
воспевающих тебе:

Радуйся, ангелов собеседниче;

радуйся, приятное молитвы кадило.

Радуйся, чудотворче скорый к услышанию
молящихся;

радуйся, в немощех естества человеческого силу
Божью проявляяй.

Радуйся, души брашном негиблющим
укрепляяй;

радуйся, светло светом богоразумия к свету
вечному путеводяще.

Радуйся, крине благоуханный, от корене
благочестиваго прозябший;

радуйся, оружниче пресветлый, победою над
врагами видимыми и невидимыми венчанный.

Радуйся, насадивый обитель твою, яко сад
прекрасный;

радуйся, подвизающимся в ней чадем
послушних, оружие непобедимое на духов злобы
поднебесных даруя.

Радуйся, добрый путеводителю всех текущих на
подвиги благочестия;

радуйся, кроткий наказателю не исполняющих
святыя обеты свои, призывах их к исправлению.

Радуйся, княже Данииле, заступниче наш.

Кондак 6

Проповедует Россия вся тебе, богоблаженне княже Данииле, скорого в бедах заступника, яко и недугующим врач, и страждущим помощник, в темницах и во узах сущим утешитель являешия, от злых сохраняя всех, вопиющих к Богу: Аллилуиа.

Икос 6

Возсиял еси светило мудрости в державе твоей, благознамените княже Данииле: вся бо совершал к благоденствию подданных твоих, правду и милость на суде возлюбиле еси, и власть царскую смиренномудренно низводя к кротости, возвеличил еси подвиги твои саном иноческим: и земля российская величает тя, воспевающе сицевая:

Радуйся, яко родитель твой просия в тебе своею мудростию;

радуйся, зеркало славы его и благочестия.

Радуйся, радости людей твоих;

радуйся, верный слуго Господень.

Радуйся, яко устрашал еси злых мечем, имже препоясан был еси;

радуйся, яко смирил еси клеветников.

Радуйся, злых наветов рушителю;

радуйся, гордыню возносившихся низлагавый.

Радуйся, возносивый смирение мудрых;

радуйся, любовью побеждая мысливших на ты злая.

Радуйся, возставивый град Москву, руками нечестивыми разрушенный;
радуйся, во смирении дух твой в руце Господа предавый.

Радуйся, княже Данииле, заступниче наш.

Кондак 7

Хотя отгнати страстей прилоги, и всякия гордыни наваждение, плоть твою поработив Духови, пребывал еси в трудах на пользу достояния твоего, и дух твой просвещая светом истины и боговедения, ходил еси по пути непорочну, всем благодворя, вся усмирняя и вся терпя во славу Бога, даровавшего ти крепость и одоление на сопротивная: Ему же и мы с тобою вопием: Аллилуия.

Икос 7

Новаго ты Ноя разумеем, святе Данииле, той бо правды ради спасеся от потопления воднаго, да не весь потребится род человеческий: ты же добродетелей ради хранимый Богом, в отчизне твоей обуреваемый нашествиями иноплеменных и междоусобными бранями, устраял еси защиту Церкви святей, направляя сердца и мысли сынов России ко единому сердцу на державу

Ордынскую востанию, и якоже тогда воспринимал еси под кров твой всех прибегающих к защите твоей, тако приими в милостивое твое заступление и нас, зовущих к тебе:

Радуйся, княже Данииле, прозорливче богодухновенный;

радуйся, в едиnodержавии избавление России от ига враждебного и благоденствие ея предусматривый.

Радуйся, проповедниче мира и братолюбия пред князьями российскими;

радуйся, яко тобою благоволение Божие на людей твоих изливается.

Радуйся, злых шатаний искоренителю;

радуйся, благих нравов насадителю.

Радуйся, неоскудевавший в подвизех царских;

радуйся, неослабевавший, шествуя по пути подвигоположника Христа.

Радуйся, обитель твою яко орган златострунный благохваленияустроиый;

радуйся, чудесами по данной ти от Бога благодати в ней сияющий.

Радуйся, неоскудеваемый милости источниче;

радуйся, пристанище всех, к ходатайству твоему притекающих.

Радуйся, княже Данииле, заступниче наш.

Кондак 8

Странно видети суемудренным, како мощи твоя, блаженне княже Данииле, пришедшим к тем трем стом чотыредесяти и девяти обретох в недрах земных нетленны: мы же, припадающе перед величием славы Бога, хранящаго кости преподобных своих, со умилением зовем: Аллилуиа.

Икос 8

Весь еси всем верующим любовь и благостыня, богоносе княже Данииле, и чудным твоим пред Богом ходатайством, призывая вся вкупе на похвалу имени Его , яко помощник, заступник, свободитель и целитель подвижаеши вопити к тебе:

Радуйся, саде благодати Христовой;

радуйся, великий его блюстителю.

Радуйся, манно духовная, питающая алчущих спасения;

радуйся, росо неботочная, напояющая жаждущих блаженства вечнаго.

Радуйся, светильниче, показующий путь истины блуждающим во тьме греховней;

радуйся, нуждающимся изобилие подаваяй.

Радуйся, треволение страстей укрощаяй;

радуйся, люте страждущим терпение даруяй.

Радуйся, прилоги вражеския отгоняяй;

радуйся, яко тобою исцеление недующие получают.

Радуйся, яко неповинных от гибели избавляеши; радуйся, яко печаль и плач на радость прелагаеши.

Радуйся, княже Данииле, заступниче наш.

Кондак 9

Всякия утоли злых наших помыслов обуревание, великий наш наставниче на дела спасения, святе княже Данииле, изливая благодатныя исцеления на язвы греховных душ наших, сердца же услаждая братолюбием и кротостию, и научи всех едиными усты и единым сердцем воспевати с тобою Богу: Аллилуиа.

Икос 9

Витийства чуднаго глаголы излияхуся из уст твоих, княже Данииле, внемгда явлься у гроба своего юноше некоему из дружины княжеския, повелел еси возвестити великому князю Иоанну Васильевичу: яко утешая себе, не прилагает мысли своей воспомянуги о тебе, и притече князь оный ко гробу твоему со архиереем и с освященным собором и молитвы творяху, и вси людие взываху к тебе:

Радуйся, равноангельне княже Данииле; радуйся, царей наставниче.

Радуйся, человеке Божий, яко паче человек
 содеваяй;
 радуйся, суету услаждений житейских обличаяй.
 Радуйся, трубо, пробуждающая спящих в
 похотениях плоти к молитве и воздержанию;
 радуйся, явлением при гробе твоём по жизни
 временной жизнь вечную указавый.
 Радуйся, общения благодатнаго усопших с
 живущими на земле проявитель;
 радуйся, яко сам явлением воставлению
 разрушенной обители твоей способствовал еси.
 Радуйся, проповедниче молитвы к Богу о
 преставльшихся в чаянии воскресения мертвых;
 радуйся, чествованию богоугодивших Богу
 научаяй.
 Радуйся, причастниче силы Божия, не дающей
 преподобным Его видети истления;
 радуйся, всех ищущих спасения к жизни вечной
 напутствуяй.
 Радуйся, княже Данииле, заступниче наш.

Кондак 10

Спастися хотя душу твою, совлекл еси ветхаго
 человека с деяньми его, и облекшись в человека
 новаго, в путь крестный бодрственно шел еси,
 яко добрый воин Христов, боговенчанне княже
 Данииле, не смущаяся прилога вражиим, и не
 обленяся сластями житейскими, но устраняя от

себе вся суетная, избрал еси едино на потребу, едино знати и любить Единого Бога, воспевая Ему: Аллилуиа.

Икос 10

Стена еси всем подражающим богоугодному житию твоему, блаженне княже Данииле, и всем, с верою к заступлению твоему прибегающим: и якоже не отринул еси молений отца некоего, и спасл еси от смерти сына его, дав ему во едином часе на гробе твоём исцеление, тако и нас не отрини, прославляющих чудеса твоя и вопиющих ти с любовью таковая:

Радуйся, от напрасныя смерти избавляяй;
радуйся, добрый врачу душ и телес.

Радуйся, от бед и скорбей изымаяй;
радуйся, всем прибегающим к тебе полезная подаваяй.

Радуйся, трудолюбию и послушанию научаяй;
радуйся, души молящихся к тебе светом боговедения просвещаяй.

Радуйся, сладость духовную изливаяй;
радуйся, немощным силу и крепость подаваяй.

Радуйся, связанных греховными узами к покаянию призываяй;
радуйся, постников в воздержании укрепляяй.
Радуйся, иноков благочестивых сладосте;

радуйся, всех преподобных радование.

Радуйся, княже Данииле, заступниче наш.

Кондак 11

Пение со умилением сердца принесл еси
Пресвятей Троице, блаженне княже Данииле,
пощением и молитвою прославляя
Сотворившаго всяческая, созидая во области
твоей святых храмы, правдолюбием и
милостынею преуспевал еси в вере, надежде и
любви к Богу, научая всех воспевати
Ему: Аллилуиа.

Икос 11

Светозарный луч мудрости видеша ты
российстии сынове в жизни временней,
богоизбранне княже Данииле! От юности бо
сердце твое содеся виталище добродетели и
страха Божия, и, яко из источника чистаго,
истекаху из него благотворение, правда и
милость: уста же твоя вещаху всем мирная, и
никтоже можаше сопротивлятися мудрым
глаголом твоим. Ты же, покоряя страсти твоя
уму здравому, был еси образ кротости,
воздержания и смирения: сего ради возвеличи
тя Господь, и научи всех воспевати тебе
таковая:

Радуйся, яко в страсе Господнем премудрость

обрел еси;
радуйся, царей украшение.
Радуйся, образу кротости духовныя;
радуйся, заре, сияющая светом солнца
незаходямаго.
Радуйся, страже добрый, данный Богом стране
Российстей;
радуйся, ограждение всех, прибегающих к
твоему заступлению.
Радуйся, сияние, разгоняющее мрак греховный;
радуйся, ложныя сплетения наветников
разрушай.
Радуйся, изводяй яко свет правду неповинно
истязуемых;
радуйся, смирением к славе вечной
возведенный.
Радуйся, чудотворче предивный, царедворца
онаго, иже с дерзостным посмеянием воскочи на
камень гроба твоего, недугом зельным
наказавый;
радуйся, яко тому покаявшуся прощение и
исцеление подал еси.
Радуйся, княже Данииле, заступниче наш.

Кондак 12

Благодать Божия изливаешься из уст твоих,
блаженне княже Данииле, всегда прекращая
свары, проповедывал еси братии твоей мир и

единодушие, оных устрашая ратными
ополчениями, оных побеждая любовью, и спасая
от варвар безстудных отчизну твою, дивный
миротворец был еси, темже и вселися в тя
Пресвятый Дух, Егоже дарованьми обогати душу
твою, иноческую нищету на ся приял еси,
воспевая к Богу: **Аллилуиа**.

Икос 12

Поюще твоя чудеса, благоверне княже Данииле,
благословляем Бога, дивно в тебе
прославившагося. Но аще и многия составили
песни в похвалу имени твоего, ничтоже
сотворили бы достойное твоего к человеком
благоволения великаго, имже удивляясь,
глаголем таковая:

Радуйся, святых храмов во славу Бога
строителю;

радуйся, терпением свободу чад Божиих
стяжавый.

Радуйся, слез твоих излиянными цвет радости
духовныя возрастивый;

радуйся, теплотою любви охлаждающих в вере
согреваяй.

Радуйся, царю, Царя царствующих служителю;
радуйся, небесных воинств Его и святых
служителей сожителю.

Радуйся, верных защитниче;

радуйся, неверия искоренителю.
 Радуйся, ложныя уста заграждаяй;
 радуйся, Давида меньший в братии твоей,
 больший их соделавыйся.
 Радуйся, яко сам сир бывый, сирых
 призивавше;
 радуйся, яко дряхлым седином крепость
 обновлявши.
 Радуйся, княже Данииле, заступниче наш.

Кондак 13

О прехвальный и пречудный княже Данииле,
 скорбящих утешение, обидимых защитниче,
 приими молебное наше приношение, изми нас
 от всякия нужды, скорби и печали, помяни и в
 часе смертном, от горьких мытарств воздушных
 и от геены избавитися нам Господа умоли
 благоприятным твоим ходатайством, да ставше
 одесную славы Его, воспеваем с
 тобою: Аллилуиа.

Сей кондак глаголется трижды.
 И паки читается икос 1-й, и кондак 1-й.

[Рукописный же первоначальный акафист,
 представляемый читателям «Уставных заметок»,
 сохранился в рукописи **1862 года**, находящейся в
 настоящее время в Отделе **рукописей Российской
 государственной библиотеки — ф. 304.II, ркп.
 268, лл. 511 – 521 об.]**